


DIEPER



WYER



Jy is nie die goeie nuus nie!

14 Julie 2024

Ds. Teodor van der Spuy

teodor@moreleta.co.za

Inleiding

Fellowship – 25 min

Verwelkoming & Gebed:

Gee minstens 2 persone kans om te bid.

1. Is daar iets die week wat gebeur het waarvoor jy dankbaar is?
2. Watter uitdagings het jy hierdie week gehad?
3. Wat het vir jou in die preek uitgestaan die naweek?

Indien die Here verlede week met jou gepraat het oor iets wat jy moes gaan doen, deel dit met die kring. Gee minstens 2 persone kans om te bid. Ons bid vir mekaar se uitdagings en sê vir die Here dankie vir dit waaroor ons kan dankbaar wees.

Niemand is goed nie, selfs nie een nie. Wanneer jy al lank in die kerk is en dalk 'n langer pad met God stap kan hierdie teksgedeelte uit Romeine 3:10 vir jou al hoe vreemder begin klink.

Want langs die pad van die lewe begin ons onself te oortuig dat ons tog beter is as die persoon langs my. In hierdie sessie wil ons terugkeer na die essensie van die evangelie en God vertrou om vars openbaring in ons harte te kom deponeer.

1. Op 'n skaal van die 1 tot 10. Hoe sondig is jy. 1= baie sondig, 10= amper Heilig.
2. Wie is die persoon wat jy ken wat die grootste sondaar is? Wat is jou motivering agter jou antwoord. (Jy hoef nie die naam van die persoon te se nie)
3. Watter rol speel jou verstaan van jou eie sondigheid in hoe goed die goeie nuus van Jesus is?

Lees saam

Die Woord – 30 min

Skrifgedeeltes: **Romeine 3:21 – 31**

- Een persoon lees die gedeelte.
- 'n Tweede persoon vertel die verhaal so volledig moontlik. Dit is nie 'n intelligensie toets nie. Die doel hiervan is om net 'n geheelbeeld van die gedeelte te kry. Moenie die gedeelte opsom of jou opinie gee van wat hier staan nie. Vertel so feitelik moontlik wat hier staan.
- 'n Derde persoon lees die gedeelte 'n tweede keer.

NB: Die fokus is op wat in hierdie spesifieke Skrifgedeeltes staan. Probeer om so min as moontlik van kruisverwysings gebruik te maak – om nie ander Skrifgedeeltes by die bespreking van hierdie spesifieke Skrifgedeeltes in te sluit nie. Vra die Heilige Gees om julle te leer. Vermy ingewikkelde teologiese debatte. Die basiese vraag is: Here, wat wil U vir my sê uit hierdie spesifieke Skrifgedeelte?

Gesels saam

Bespreek die Skrifgedeeltes aan die hand van drie vrae:

1. Wat leer ons van God in hierdie gedeelte?

(Hoe openbaar God Homself aan my: Wie Hy is, Sy karakter, werke, bevels, beloftes?)

2. Wat leer ons van onself/ander mense uit hierdie Skrifgedeelte?

(Wat verwag God van my volgens hierdie gedeelte – bv. om te vergewe, groei in my verhouding met Hom, gehoorsaam te wees, en in 'n verhouding met Hom te leef? Wat moet in my lewe verander? Wat is my verantwoordelike?)

3. 'n Baie sinvolle vraag om te vra, is: Waarom dink jy is hierdie gedeelte in die Bybel?

Jy is nie die goeie nuus nie!

14 Julie 2024

Ds. Teodor van der Spuy

Gesels saam

Hier is nog 'n paar besprekingspunte

Hierdie teksgedeelte help ons nuut verstaan hoe ver elkeen van ons verwyder is van volmaaktheid voor God. Ons kan baie maklik begin glo dat ons spesiaal is in die hande van die Here bloot omdat ek net nie so sondig is soos die pesoon lang my nie.

Die gevaar as ek dink ek is die goeie nuus.

Paulus maak dit duidelik dat hoe groter ons Godsbegrip word hoe kleiner word my siening van myself. Hoe meer ons die wet verstaan, bestudeer en probeer volg, hoe meer besef ons hoe sleg ons inherent in onself is.

So 'n verstaan sit weer goedheid terug in die goeie nuus van Jesus. Want ek het 'n redder net so nodig soos die grootste sondaar wat ek ken. Dit gaan my help om baie minder veroordelend te leef en dit gaan my alles leer wat ek moet weet van genade.

Doen saam

Gehoorsaamheid - 20min

Sit en maak 'n lys van sondes wat jy vandag gedoen het. Wees baie krities op jouself. Gaan soek vir 'n sonde agter elke hoek en draai. Vra die Gees van God om vir jou te wys op hoeveel plekke in jou lewe jy daagliks groot en klein foute maak.

Bely op grond van jou eie sondige natuur hoe nodig jy vir Jesus het. Bely dat jy kies dat Jesus vandag die goeie nuus is en niks in jou goed is nie. Bely dat jy ver van God af is en dat geen werke, geen kerkbywoning of geen hoogdrawende gebede ons nader aan God kan bring nie (Romeine 3:27).

Wat gaan jy die volgende week prakties doen om ander te dien? Waar gaan jy betrokke raak in die gemeente?

Nadat julle die teksgedeeltes bestudeer het, wat voel julle vra die Heilige Gees van julle om te doen?

Omdat dit God is wat hier praat, moet ons reageer. In hierdie gedeelte van die groepsbyeenkoms gaan ons oor van inligting na gehoorsaamheid: Is daar iets wat in jou lewe moet verander in die lig van julle bespreking van hierdie Skrifgedeeltes?

Wat is daar wat jy in die komende week moet doen na aanleiding van julle bestudering van hierdie Skrifgedeeltes? Hoe kan jy 'n seën wees vir ander mense rondom jou?

Wees baie spesifiek. Almal in die groep reageer op die Woord met 'n **I will statement** vir die week en deel dit met die groep. 'n **I will statement** is 'n persoonlike verbintenis tot wat jy in die komende week prakties sal doen in gehoorsaamheid aan wat die Heilige Gees vir jou sê.

- Waaroor het die Here met my gepraat in hierdie Skrifgedeelte waaraan ekself prakties in moet aandag gee? (INWAARTS)
- Hoe gaan ek hierdie week vir mense rondom my tot seën wees? Wat het ek uit hierdie Skrifgedeelte ontdek wat ek prakties moet gaan doen? (UITWAARTS)

I Will Statement:

Bid saam

Bid saam en bid hardop jou eie dankbaarheidslied vir dit wat Jesus in jou lewe kom doen het. Hy het immers 'n wonderwerk in jou lewe kom doen. Hy het jou kom red van 'n welverdiende ewige dood. Jesus is goeie nuus en nie ek of jy nie.



kringe@moreleta.co.za
012 997 8100

Algemene info
info@moreleta.co.za
012 997 8000



Gebedsversoeke
076 351 8383
gebed@moreleta.co.za